



05 MAY, 2025

Kerajaan tingkat pengeluaran telur gred C

Berita Harian, Malaysia

Kerajaan tingkat pengeluaran telur gred C

Harga lebih murah beri peluang rakyat dapat bekalan selepas tamat subsidi

Oleh Zatul Iffah Zolkipli
zatuliffah@bh.com.my

Kuala Terengganu: Kerajaan akan meningkatkan pengeluaran telur gred C yang lebih murah bagi menampung permintaan pasaran.

Menteri Pertanian dan Keterjaminan Makanan, Datuk Seri Mohamad Sabu, berkata telur keluaran khas yang mula diperkenalkan pada harga RM5 sepanan

(30 biji) Ramadan lalu mendapat sambutan baik.

Beliau berkata, harganya lebih murah memberi peluang kepada rakyat mendapatkan bekalan telur berkenaan, sekali gus menstabilkan harga telur terutama selepas penamatan subsidi pada Ogos depan.

"Kita juga nak memperbanyakkan keluaran telur khas lebih murah, dijual pada Ramadan lalu pada harga RM5 sepanan.



Mohamad (lima dari kiri) memotong pulut kuning bersama barisan kepimpinan Barisan Nasional dan PH pada majlis Rumah Terbuka PH Negeri Terengganu di Kuala Terengganu, semalam. (Foto Ghazali Kori/BH)

"Kali ini, tak tahu harganya macam mana, tetapi kita yakin tidak akan naik melambung," katanya ketika ditemui selepas Rumah Terbuka Pakatan Harapan (PH) Negeri Terengganu, di sini semalam.

Mohamad berkata, selain bekalan telur khas, rakyat boleh mendapatkan bekalan telur pada harga yang lebih berpatutan melalui jualan Agro MADANI dan Jualan Rahmah di seluruh negara termasuk di semua outlet Lembaga Pemasaran Pertanian

Persekutuan (FAMA) dan Lembaga Pertubuhan Peladang (LPP).

Larang eksport telur ayam

Katanya, subsidi telur yang dikurangkan daripada 10 sen kepada lima sen sebiju bermula 1 Mei dan seterusnya ditamatkan sepenuhnya mulai 1 Ogos ini serta penamatan subsidi ayam pada 2023 dapat menjimatkan perbelanjaan kerajaan sebanyak RM3.8 bilion yang boleh digunakan untuk pembangunan lain.

"Sekarang ini, keadaan makin reda dan kita dapati bila subsidi ayam diselarikan, ditarik didapati harganya tidak naik (dan) kita harap telur pun jadi begitu," katanya.

Beliau berkata, kementerian juga kekal melarang eksport telur ayam ke luar negara kecuali syarikat yang terikat perjanjian sebelum ini.

Katanya, tindakan berkenaan diambil untuk memastikan bekalan telur di pasaran tempatan tidak terjejas.



05 MAY, 2025

Kerajaan tingkat pengeluaran telur gred C

Berita Harian, Malaysia

SUMMARIES

Harga lebih murah beri peluang rakyat dapat bekalan selepas tamat subsidi

Kuala Terengganu: Kerajaan akan meningkatkan pengeluaran telur gred C yang lebih murah bagi menampung permintaan pasaran. Menteri Pertanian dan Keterjaminan Makanan, Datuk Seri Mohamad Sabu, berkata telur keluaran khas yang mula diperkenalkan pada harga RM5 sepapan

(30 biji) Ramadan lalu mendapat sambutan baik.